

Dyddiad y cyfarfod: 29 Tachwedd 2018

Aelod / Swyddog Arweiniol: Aelod Arweiniol Cyllid, Perfformiad ac Asedau Strategol Pennaeth Gwella Busnes a Moderneiddio

Awdur yr Adroddiad: Rheolwr Tîm Cynllunio Strategol

Teitl: Adroddiad Perfformiad y Cynllun Corfforaethol Chwarter 2 2018-19

1. Am beth mae'r adroddiad yn sôn?

- 1.1 Mae'r adroddiad hwn yn cyflwyno'r wybodaeth ddiweddaraf am gyflawni Cynllun Corfforaethol 2017-2022 ar ddiwedd chwarter 2 2018-19.
- 1.2 Mae Atodiad 1 yn rhoi Crynodeb Gweithredol sy'n cynnwys cyflawniadau ac eithriadau allweddol.
- 1.3 Mae Atodiad 2 yn cynnwys yr adroddiad chwarterol llawn a luniwyd gan y System Rheoli Perfformiad Verto.
- 1.4 Mae Atodiadau 3 a 4 yn cynnwys crynodeb o'r prosiectau sy'n cael eu rheoli dan bob bwrdd rhaglen, ynghyd â gwybodaeth am swyddogion gweithredol a rheolwyr allweddol prosiectau; hyder cyffredinol ynghylch cyflawni; a chrynodeb o statws risgiau allweddol, cerrig milltir a'r manteision sy'n gysylltiedig â phob prosiect.

2. Beth yw'r rheswm dros lunio'r adroddiad hwn?

- 2.1 Darparu gwybodaeth am gynnydd y Cyngor ar ddiwedd chwarter 2 2018-19 mewn perthynas â chyflawni amcanion y Cynllun Corfforaethol.
- 2.2 Mae adrodd yn ôl yn rheolaidd yn un o ofynion monitro angenrheidiol y Cynllun Corfforaethol er mwyn sicrhau bod y Cyngor yn gweithredu ei ddyletswydd i wella.
- 2.3 Rydym yn monitro ein perfformiad yn rheolaidd ac yn cyflwyno adroddiadau pob chwarter i gyfarfodydd y Pwyllgor Craffu a'r Cabinet ac yn llunio Adroddiad Perfformiad Blynyddol i werthuso'r cynnydd.

3. Beth yw'r Argymhellion?

- 3.1 Argymhellir bod y Pwyllgor yn defnyddio'r adroddiad hwn i nodi meysydd gwasanaeth (neu feysydd gwaith) penodol a fyddai'n elwa o graffu manwl i wella canlyniadau ar gyfer dinasyddion a pherfformiad cyffredinol y Cyngor, ac i hwyluso'r gwaith o gyflawni'r Cynllun Corfforaethol.

4. Manylion yr Adroddiad

- 4.1 Ar gyfer pob blaenoriaeth, mae dau ddarn o sylwebaeth:
- *Statws Perfformiad* sy'n cynnig naratif ac asesiad o'r hyn y mae'r dangosyddion yn ei ddweud wrthym am ein cymunedau ar hyn o bryd;
- *Cynnydd Rhaglen* sy'n amlinellu sut mae prosiectau a nodwyd i gefnogi pob blaenoriaeth yn datblygu.
- 4.2 Mae'r *Statws Perfformiad* yn rhoi awgrym i ni ynglŷn â sut y mae pethau yn ein cymunedau ar hyn o bryd. Ar ôl cydnabod mai'r rhain yw'r meysydd yr ydym eisiau eu gwella yn ystod oes y Cynllun Corfforaethol hwn, ni fyddem yn disgwyl i'n perfformiad fod yn dda mewn perthynas â'r dangosyddion hyn ar hyn o bryd.
- 4.3 Dylai'r rhaglen waith sydd gennym mewn grym i fynd i'r afael â'r dangosyddion hyn gael effaith gadarnhaol dros amser, felly mae cynnydd yn y maes hwn yn bwysig. Mae'r statws *Cynnydd Rhaglen* ar gyfer pob blaenoriaeth yn adlewyrchu hyn. Bydd y statws yn rhoi gwybod i ddarllenwyr a yw prosiectau'n cael eu cyflawni ar amser, gan gadw at y gost a'r ansawdd. **Mae hwn yn faes pwysig i'r Pwyllgorau Craffu ei ystyried.**
- 4.4 Mae modd cael *Statws Perfformiad* gwael ond statws *Cynnydd Rhaglen* cryf. Wrth i ni symud ymlaen tuag at gwblhau'r Cynllun hwn, rhagwelwn y byddai'r ddau'n cyfateb yn gadarnhaol (h.y. byddai'r ddau yn Dda fan leiaf).
- 4.5 Mae Adroddiad Perfformiad Chwarter 2 2018-19 (Atodiad 2) yn edrych ar Gynllun Corfforaethol 2017-22 ac mae'n rhoi asesiad yn seiliedig ar dystiolaeth am y sefyllfa bresennol.
- 5. Sut mae'r penderfyniad yn cyfrannu at y Blaenoriaethau Corfforaethol?**
- 5.1 Mae'r adroddiad hwn yn darparu gwybodaeth am ein cynnydd wrth gyflawni'r Cynllun Corfforaethol. Dylai unrhyw benderfyniad a wneir gyfrannu at gyflawni'r Blaenoriaethau Corfforaethol yn llwyddiannus.
- 6. Faint fydd hyn yn ei gostio a sut y bydd yn effeithio ar wasanaethau eraill?**
- 6.1 Mae Cynllun Corfforaethol 2017-22 yn nodi faint o arian yn ychwanegol y mae'r Cyngor yn bwriadu ei fuddsoddi ym mhob blaenoriaeth gorfforaethol dros y pum mlynedd. Rhagwelir y bydd y Cynllun Corfforaethol yn cael ei gyflawni gan ddefnyddio'r buddsoddiad ychwanegol hwn ac o fewn cyllidebau presennol.
- 7. Beth yw prif gasgliadau'r Asesiad o Effaith ar Les? Gellir lawrlwytho adroddiad cyflawn yr Asesiad o Effaith ar Les yma [ar y wefan](#) a dylid ei gynnwys fel atodiad i'r adroddiad hwn.**
- 7.1 Cynhaliwyd Asesiad o Effaith ar Les ar y Cynllun Corfforaethol a chafodd ei gyflwyno i'r Cyngor ar 17 Hydref 2017. Nid oes angen asesiad pellach gan na fydd yr argymhellion yn yr adroddiad hwn yn cael effaith uniongyrchol ar ein staff nac ar ein cymunedau.
- 8. Pa ymgynghoriadau a gynhaliwyd gyda'r Pwyllgorau Craffu ac eraill?**

8.1 Daw'r wybodaeth sy'n angenrheidiol i lunio'r adroddiad hwn gan wasanaethau, ac mae'r cynnwys wedi'i drafod gyda'r Uwch Dîm Arweinyddiaeth er mwyn llunio'r adroddiad ar gyfer y Pwyllgor Craffu Perfformiad. Mae'r adroddiad hefyd wedi'i gyflwyno i'w drafod yn y Cabinet ar 20 Tachwedd.

9. Datganiad y Prif Swyddog Cyllid

9.1 Nid oes angen datganiad gan y Prif Swyddog Cyllid ar gyfer yr adroddiad hwn.

10. Pa risgiau sydd yna ac oes yna unrhyw beth y gallwn ei wneud i'w lleihau?

10.1 Nid oes unrhyw risg benodol yn gysylltiedig â'r adroddiad hwn. Swyddogaeth y Gofrestr Risgiau Corfforaethol a'r Gofrestr Risgiau Gwasanaethau yw dynodi (a rheoli) digwyddiadau posibl o risg a allai olygu na all y Cyngor gyflawni ei Gynllun Corfforaethol.

11. Pŵer i wneud y Penderfyniad

11.1. Mae rheoli perfformiad a monitro yn elfen allweddol o Raglen Cymru ar gyfer Gwella, sydd wedi'i thanategu gan ofynion statudol Deddf Llywodraeth Leol 1999 a Mesur Llywodraeth Leol "Cymru" 2009.

11.2 Mae Adran 7 o Gyfansoddiad y Cyngor yn amlinellu pwerau a dyletswyddau Craffu mewn perthynas â chraffu ar berfformiad yr Awdurdod.

Swyddog Cyswllt:

Rheolwr Tîm Cynllunio Strategol

Ffôn: 01824 708079